

十三經清人注疏

爾雅正義

〔清〕邵晉涵 撰
李嘉翼 祝鴻杰 點校

十三經清人注疏

爾雅正義

下

〔清〕邵晉涵 撰
李嘉翼 祝鴻杰 點校

爾雅正義卷第十四

爾雅卷下

釋草第十三

〔正義〕洪範以「庶草蕃蕪」爲五者來備之徵〔二〕。凡山澤、園圃之草，皆庶草也。〔天官九職〕：

「一曰三農，生九穀。二曰園圃，毓草木。三曰虞衡，作山澤之材。八曰臣妾，聚斂疏材。」豕宰經制國用，草木之殖，分任以職，正名辨類，因其土宜，故上無匱用，下無曠土。〔曲禮〕述殷制，天子之六府，其四爲司草，鄭註以爲即周之稻人，是庶草以稻爲重。司徒頒十二職事，一

〔一〕「者」，原作「是」，據尚書正義改。

曰稼穡，二曰樹藝，三曰作材，八曰斂材，與豕宰職同。「其以土會之法辨其物生，川澤宜膏物，墳衍宜莢物，原隰宜叢物。」鄭註謂：「膏當爲橐字之誤也。蓮芡之屬有橐韜。」「莢物，薺莢、王棘之屬。」「叢物，萑、葦之屬。」辨壤知種，以教稼穡樹藝，庶草所由蕃蕪也。草與木皆根於下土，垂枝於上，故皆謂之倒生。淮南原道訓云：「秋風下霜，倒生挫傷。」高誘註：「草木首地而生，故曰倒生。」其成實，則草與木異，文子尚德篇「木實生於心，草實生於莢」是也。此篇所釋，或別其異名，或詳其形狀，或以類相從，或前後互見，多切於民用，不徒爲興喻之資焉。說文云：「艸，百卉也。」徐鍇云：「總名也。」說文又云：「草，草斗，櫟實。一曰象斗。」徐鉉云：「今俗以此爲艸木之艸。」

1
藿，山韭。茗，山蔥。薺，山薺。蒿，山蒜。註今山中多有此菜，皆如人家所種者。茗蔥，

細莖大葉。

〔正義〕穀梁宣十五年傳云：「古者公田爲居，井竈蔥韭盡取焉。」范甯註：「家作一園，以種五菜。」是韭、蔥、薺、蒜俱爲人家所常種。內則云：「膾，春用蔥。」「豚，春用韭。」「脂用蔥，膏用薺。」又爲飲食所恒需也，故先及之。其生於山者，別釋其名。

「藿，山韭」○說文云：「韭，菜名。一種而久者，故謂之韭。象形，在一之上。一，地也。」夏小正云：「正月，囿有見韭。囿也者，園之樊者也。」幽風七月云：「四之日其蚤，獻羔祭韭。」是夏小正以韭紀時，幽風則以夏時仲春二月開冰，先薦寢廟，而祭用韭也。春初百彙未昌，唯韭先見於囿，故薦時食者有取焉。春秋繁露祭義篇釋四時之祭云：「春上豆實。豆實，韭也，春之始所生也。」何休公羊傳註亦云：「春薦尚韭卵。」夏小正又云：「初歲祭末，或曰祭韭也。」春祭尚韭，由來舊矣。曲禮云：「韭曰『豐本』。」鄭註：「豐，茂也。」古者重豆實，故爲別製以名，與「剛鬣」、「柔毛」同爲祝告之辭。其謂之「豐本」者，殆以韭爲易種而滋茂與？韭之生於山中者名藿。說文云：「藿，艸也。」詩曰：「食鬱及藿。」說文据韓詩爲義。早韭宜於春初，六月食藿，庶人之食也。南山經云：「招搖山有草焉，其狀如韭。」註引璿曰：「韭，爾雅云：『霍山亦多之。』」藿誤爲「霍」，又以爲山名，非也。「藿」本作「鉞」，說文云：「鉞，山韭也。」

「茗，山蔥」○說文云：「蔥，菜也。」「菜，艸之可食者。」曲禮言：「進食之禮，醯醬處內，蔥深處

〔一〕「註」原闕，據公羊傳桓八年註及正義文例補。

末。鄭註：「淦，蒸蔥也。」是蔥與醢醬皆進食所恒需也。內則云：「麋、鹿、魚爲菹，麋爲辟雞，野豕爲軒，兔爲宛脾。切蔥若薤，實諸醢以柔之。」少儀與內則同。鄭註云：「以醢與葷菜淹之，殺肉及腥氣也。」是爲菹者，必用蔥、薤以柔和之矣。

蔥之生於山中者名荅，說文云：「荅，艸也。」繫傳以爲即管子所云「齊桓公伐山戎，出其山蔥」者是也。衆經音義引爾雅舊註云：「荅一名山蔥，并州以北多饒荅蔥也。」荅，廣成頌謂之「格」，見後漢書。「荅」、「格」古字通。

「藟，山薤」○說文云：「藟，菜也，形似韭。」少儀云：「爲君子擇蔥、薤，則絕其本末。」孔疏云：「本，根也。蔥、薤根不淨，末萎乾，故擇者必絕其二處。」是薤與蔥皆君子所常御也。藟之生於山中者名藟。蘇頌本草註云：「山薤與家薤相似，而葉差大。」

「蒿，山蒜」○說文云：「蒜，葷菜也。」夏小正云：「十有二月，納卵蒜。卵蒜也者，本如卵者也。納者何也？納之君也。」小正所謂卵蒜，其即後世之獨瓣蒜與？蒜之生於山中者名蒿，

本草蜀本註：「圖經云：小蒜，野生小者。一名蒿。」是蒿爲小蒜也。物類相感志引孫炎云：

「帝登蒿山，遭猶芋草毒。將死，得蒜，乃嚙之，解毒，乃收植之。能殺蟲魚之毒，攝諸腥羶。」誤以「蒿」爲山名，疑非孫叔然之說也。

〔註〕今山「至」大葉。○〔正義〕郭以藿、蓴、蒿之形體，與常用之韭、薤、蒜大致相類，特以生山中而異其名爾。「茗蔥，細莖大葉」者，北山經云：「邊春山，其草多蔥、韭。」郭氏彼註云：「蔥一名茗，大葉。」與此同。

薤，山薤。〔註〕廣雅曰：「山薤，當歸。」當歸今似薤而麇大。

〔正義〕說文云：「薤，草也。」繫傳不言爲山薤，以草之名薤者不一種也。山薤一名薤，一名曰薤，葉似山鞠窮，七八月之間華，其色紫。

〔註〕廣雅「至」麇大。○〔正義〕本草云「當歸一名乾歸」，不云名山薤。廣雅以爲山薤即當歸，據時驗也。郭云「當歸今似薤而麇大」者，釋文云：「薤，古芹字。」當歸葉似芹，較麇大爾。古今註謂古人相贈以芍藥，相招以文無。文無一名當歸，芍藥一名將離故也。說近凡俗，然漢末人即以當歸寄遠者，是亦舊時相傳之說也。

楸，木蓼。櫨，木蓼。〔註〕別二名也。似李樹，華朝生夕隕，可食。或呼日及，亦曰王蒸。

〔正義〕此廣木蓼之名也。鄭風有女同車云：「顏如舜華。」毛傳：「舜，木槿也。」說文「舜」作

「舜」，莊子釋文引司馬彪云：「椿一名櫨。櫨，木槿也。」崔譔亦以爲櫨華，蓋因有木槿之名，

故「樛」字从「木」。然木槿實爲草類，是當從說文作薺華矣。月令：「仲夏之月，木槿榮。」鄭註：「木槿，王蒸也。」高誘呂氏春秋註云：「木槿，朝榮暮落，是月榮華，可用作蒸。雜家謂之朝生，一名舜。」詩疏引陸璣疏云：「舜一名木槿，一名櫬，一名曰椶，齊魯之間謂之王蒸，今朝生暮落者也。」木槿，易生之物，今所在有之。

〔註〕「別二」至「王蒸」○〔正義〕詩疏引樊光云：「別二名也。其樹如李，其華朝生暮落，與草同氣，故在草中。」郭註畧本樊光。禮記疏引郭氏云：「別二名，可食。或呼爲『日及』，亦云『王蒸』。其花朝生暮落。」與今本字句微異。

木，山薺。

〔註〕本草云：「木，一名山薺。」今木似薺而生山中。

楊，枹薺。

〔註〕似薺而肥大，今呼之

馬薺。

〔正義〕此別木之名類也。木之生於山者名山薺。楊一名枹薺，即木也。「木」，說文作「茱」，繫傳以爲「茱苗似薺」也。中山經云：「首山多茱萸。」郭氏彼註云：「茱，山薺也。」今木以山中自生者爲良，故山薺直名之曰木。枹薺亦木之類，徐鍇以爲「即今赤木」是也。

〔註〕「本草」至「山中」○〔正義〕「木，一名山薺」，神農本草之舊文。後代名醫增益則曰「一名山

薑，一名山連」。又引吳普本草云：「一名山芥，一名天蘇。」所以廣異名也。唯山薊之名合於爾雅，餘皆方俗異語爾。陶弘景云：「木乃有兩種：白木葉大有毛而作桎，根甜而少膏；赤木葉細無桎，根小苦而多膏。」案：爾雅別山薊、枹薊之名，陶註分木爲二種者，是也。郭云「木似薊而生山中」者，顏之推以爲「木葉其體似薊」，徐鍇謂「木形似刺薊，但萼別似杜鵑而青紫耳」。

「似薊」至「馬薊」○正義郭意以枹薊較大於山薊也，後人釋本草者以枹薊爲白木，蓋徒見於陶註，謂白木葉大而傳合其名，殊不考郭氏所云「肥大」者，不專指葉而言也。今赤木苗高二三尺，葉抱莖而生，色似棠梨，近根之葉岐出若鋸齒，蟠根如蘊，較白木爲肥大。當從徐鍇之說，以赤木爲枹薊也。一名馬薊者，「枹」、「馬」聲之轉，今人呼爲蒼木。

薊，王薊。註王薊也。似藜，其樹可以爲掃薊。江東呼之曰落帚。

正義說文云：「薊，王薊也。」廣韻作「薊，王薊」。徐鍇云：「今落帚草也。」今落帚或謂落藜，初生時可食，藜之類也。

註「王帚」至「落帚」○正義玉篇云：「王薊，王帚也。草可爲帚。」與郭註同。本草有地薊，陶

氏謂「根苗可爲掃帚」。唐本云：「北人名涎衣草，或云即落帚子也。」圖經云：「其苗即獨帚也。」

6 葇，王芻。

註葇，蓐也。今呼鴟脚莎。

正義 小雅采綠云：「終朝采綠。」鄭箋：「綠，易得之菜也。」衛風淇奥云：「綠竹猗猗。」毛傳：「綠，王芻也。」釋文云：「綠，爾雅作葇，音同。」詩疏引舍人云：「葇一名王芻。」李巡云：「一物二名。」說文云：「葇，王芻。」又云：「葇，艸也。」案：本草則葇草即王芻矣。太平御覽引吳普本草云「王芻一名黃草」，以其可染黃也。唐本云：「葉似竹而細薄，莖亦圓小。」

註「葇蓐」至「脚莎」○正義 詩疏引某氏曰：「葇，鹿蓐也。」證類本草引孫炎云：「即蓐草也，今呼爲鴟脚莎。」郭註本孫炎。詩釋文引郭註作「今呼白脚莎」。

7 拜，商藿。

註商藿亦似藜。

正義拜一名商藿。說文云：「藿，釐艸也。一曰拜，商藿。」繫傳云：「商藿，俗所謂灰藿也。」

〔一〕「王芻」，原作「葇草」，據太平御覽改。

案：今灰藿莖有紅縷，葉銳而青，其背則白，葉有黑點若著沙矣。四月初生，可食，五月高至數尺，秋開細花，色白，結子如穗。

繁，皤蒿。

〔註〕白蒿。

蒿，藪。

〔註〕今人呼青蒿，香中炙啗者爲藪。

蔚，牡藪。

〔註〕無子者。

〔正義〕此別蒿之種與其異名也。

「繁，皤蒿」○夏小正云：「二月，采繁。繁，由胡。由胡者，繁母也。繁母者，旁勃也。」召南云：「于以采繁，于沼于沚。」左傳云：「蘋、繁，蒹藻之菜。」此繁之生於水中者，今溪沼間春生白繁，細脆可食。古者夫人執繁菜以助祭，故鄭箋云：「以豆薦繁俎。」繁可以生蠶，故爾風七月云：「春日遲遲，采繁祁祁。」水中之繁，至秋羸大，秋盡水涸，枯壅陂塘，遇風卷之，則起爲蓬矣。繁亦有生於平地者，左傳疏引陸璣云：「凡艾白色爲皤蒿。今白蒿，春始生，及秋香美，可生食，又可蒸。一名游胡，北海人謂之旁勃。」釋文引本草註云：「此蒿葉羸於青蒿，從初生至枯，白於衆蒿，所在有之。」又云：「葉似艾葉，上有白毛，羸澀，俗呼蓬蒿，可以爲俎。」此言陸產之白蒿也。

〔一〕「左傳」，原作「詩」，據十三經注疏改。

「蒿，藋」○說文云：「藋，香蒿也。或作藋。」小雅鹿鳴云：「食野之蒿。」疏引陸璣云：「蒿，青蒿也。荆豫之間，汝南汝陰皆云藋也。」案：今青蒿所在有之，根葉俱青，其氣馥芬，南人夏月以代茗飲，故許叔重以爲香蒿。

「蔚，牡藋」○小雅蓼莪云：「匪莪伊蔚。」疏引舍人云：「蔚一名牡藋。」陸璣云：「牡藋也。三月始生，七月華，華似胡麻華而紫赤。八月爲角，角似小豆銳而長。一名馬新蒿也。」案：「馬新」，廣雅作「馬先」，即因塵也，因塵今謂之茵陳，亦蒿之類，然與牡蒿有別，陸氏合爲一物，殆考之不審也。

〔註〕「白蒿」○〔正義〕詩疏引孫炎云「白蒿也」。郭註本孫炎。采繁毛傳云「蟠蒿也」。七月毛傳云「白蒿也」。互文見意，以「蟠」即「白」也。說文亦云：「藚，白蒿也。」

「今人」至「爲藋」○〔正義〕詩疏引孫炎云：「荆楚之間謂蒿爲藋。」某氏云：「江湖間曰藋。」是青蒿即爲藋。郭云「香中炙啗者爲藋」，據時驗也。今時青蒿俱香中炙啗。

「無子者」○〔正義〕牡蒿之名，因其無子也。或曰子纖細不可辨，故人以爲無子。

齧，彫蓬。薦，黍蓬。〔註〕別蓬種類。

〔正義〕說文云：「蓬，蒿也。」月令云：「藜莠蓬蒿並興。」蓬類至夥，其生易殖。別其種類，則「齧」爲彫蓬，「薦」爲黍蓬。或以「彫」爲「雕胡」，「薦」爲莊子所謂麋鹿所食之薦，然未聞「雕胡」一名「齧」，「薦」亦名「黍蓬」也。召南騶虞云：「彼茁者蓬。」言蓬之初生，至秋則卷爲飛蓬。商君書云：「飛蓬遇飄風而行千里者，乘風之勢也。」

葦，鼠莞。

〔註〕亦莞屬也。纖細似龍須，可以爲席。蜀中出好者。

〔正義〕葦一名鼠莞，書疏引樊光云：「詩曰『下莞上簟』。」說文云：「莞，艸也，可以作席。」鼠莞即莞之屬也。

〔註〕「纖細」至「爲席」○〔正義〕中山經云：「賈超山多龍修。」郭氏彼註云：「龍須也。似莞而細，出山石穴中，可以爲席。」鼠莞，特龍須之小者爾。

蓆，鼠尾。

〔註〕可以染皂。

〔正義〕蓆一名鼠尾。吳普本草謂之山陵翹。陶弘景云：「田野甚多，人采作滋染皂。」今鼠尾草所在有之，葉如蒿，夏初莖生，岐穗，穗若車前，其華或赤或白，華、莖、葉俱可爲染，是典染草所需也。

12

〔註〕「可以染皂」○〔正義〕太平御覽引孫炎云：「勤，巨盈切，可染皂。」郭註本孫炎。

荇蓂，大薺。〔註〕薺葉細，俗呼之曰老薺。

〔正義〕此別薺之異種也。齊民要術引舍人云：「薺有小，故言大薺。」廣雅云：「析蓂，馬辛也。」

案：本草：「析蓂一名蓂析，一名大戟，一名馬辛，生川澤及道旁。」是析蓂特薺之細者，非謂其大於常食之薺也。呂氏春秋任地篇：「孟夏之昔，殺三葉而大麥穫。」高誘註：「昔，終也。三葉，薺，蓂歷，荇蓂也。是月之季枯死，大麥熟而可穫。」高誘分「薺」與「析蓂」爲二，是也。陳藏器本草註以「葶藶」爲「大薺」，誤矣。下文云：「葶，薺實。」詳見下。

13

〔註〕「薺葉」至「老薺」○〔正義〕本草蜀本註云：「荇蓂似薺而葉細，俗呼爲老薺。」與郭註同。

蓀，虎杖。〔註〕似紅草而麤大，有細刺，可以染赤。

〔正義〕蓀一名虎杖，染草之屬也。齊民要術載作杭子法，如無杭皮，代以虎杖。則其根與杭皮相近。

〔註〕「似紅」至「染赤」○〔正義〕陶註本草云：「田野甚多。狀如大馬蓼，莖斑而葉圓。」與郭註畧同。今虎杖似紅蓼。

孟，狼尾。〔註〕似茅，今人亦以覆屋。

〔正義〕孟一名狼尾。太平御覽引廣志云：「狼尾，子可作黍。」司馬相如子虛賦云：「其卑濕則生藏蓐、蒹葭。」史記集解引漢書音義云：「蓐，蓐尾草也。」蓐尾即狼尾矣。郭氏彼註云：「藏蓐，草名（一），中牛馬芻。」即廣志所謂狼尾子也。監本作「孟」，今從宋本作「孟」。

瓠棲，瓣。〔註〕瓠中瓣也。詩云：「齒如瓠棲。」

〔正義〕邶風云：「匏有苦葉。」毛傳：「匏謂之瓠。瓠葉苦不可食也。」疏引陸璣云：「匏葉小時可爲羹，又可淹煮，極美。故詩曰：『幡幡匏葉，采之烹之。』今河南及揚州人恒食之。八月中，堅強不可食，故云苦葉。」案：陸氏所謂「八月中，堅強不可食」者，特言其葉爾。瓠甘可食，故幽風云：「八月斷壺。」毛傳：「壺，瓠也。」孔疏：「謂甘瓠，可食，就蔓斷取而食之。」小雅謂之「甘瓠」是也。瓠中白膚，史記所謂「肥白如瓠」也。瓠棲爲瓣，釋文引字林云：「瓜中實也。」

〔一〕「名」原闕，據子虛賦注補。

〔註〕「瓠中」至「瓠棲」○〔正義〕詩疏引孫炎云：「棲，瓠中瓣也。」郭註本孫炎。「齒如瓠棲」，衛風碩人文，毛詩作「瓠犀」，傳云：「瓠犀，瓠瓣。」此言齒之潔白如瓠犀，猶云齒如編貝也。

茹蘆，茅蒐。〔註〕今之蒨也，可以染絳。

16

〔正義〕鄭風東門云：「茹蘆在阪。」茹蘆一名茅蒐，染草也。古者以茅蒐染韎韐，而「韎韐」即爲「茅蒐」之轉聲。小雅瞻彼洛矣云：「韎韐有奭。」毛傳：「韎韐者，茅蒐，染草也。一曰韎韐，所以代韠也。」鄭箋云：「韎韐者，茅蒐染也。茅蒐，韎韐聲也。韎韐，祭服之韠，合韋爲之。」鄭註士冠禮云：「韎韐，緼韐也。士緼韐而幽衡，合韋爲之。士染以茅蒐，因以名焉。今齊人名蒨爲韎韐。」詩疏引鄭駁異義云：「韎，草名。齊魯之間言韎韐聲如茅蒐，字當作韎。陳留人謂之蒨。」是鄭君以「韎」爲「茅蒐」之合聲，「蒨」其別名也。左傳疏引賈逵云：「一染曰韎。」韋昭云：「茅蒐，今絳草也，急疾呼茅蒐成韎。」此可與鄭君之說相證明矣。「蒨」亦作「茜」，說文云：「茜，茅蒐也。」「茅蒐，茹蘆。人血所生，可以染絳。」史記貨殖傳作「茜」，廣雅

〔一〕「韐」，原作「韐」，據詩經改。

作「蒨」，音同相通用。

〔註〕「今之」至「染絳」○〔正義〕詩疏引李巡云：「茹蘆一名茜，可以染絳。」儀禮疏引孫炎云：「一名蒨，可以染絳。」是郭註所本也。詩疏引陸璣云：「一名地血，齊人謂之茜，徐州人謂之牛蔓。」別錄云：「茜草一名地血。」與陸氏同。茜草生山谷，蔓延草木上，方莖中空，數寸一節，每節四五葉相對，葉如棗而上銳，實如椒而小，園圃亦有種之者。禮記疏云：「以蒨染之，其色淺赤是也。」史記集解引徐廣曰：「茜一名紅藍，其華染繒赤黃。」今紅藍花與茜草殊種，徐廣牽合爲一，非也。

果羸之實，栝樓。

〔註〕今齊人呼之爲天瓜。

〔正義〕幽風東山云：「果羸之實，亦施於宇。」毛傳：「果羸，栝樓也。」疏引李巡云：「栝樓子名也。本草云：『栝樓，葉如瓜葉，形兩兩相值，蔓延，青黑色，六月華，七月實，如瓜瓣。』是也。」孔疏所引本草，蓋唐本註也。呂氏春秋云：「孟夏之月，王善生。」高誘註云：「善或作瓜，瓠瓠也，是月乃生。」如高誘之說，則月令所云「王瓜」，即栝樓矣。今栝樓四月生苗，引藤蔓長。及秋而華，厥色淺黃。秋末成實，下垂如拳，或長而銳，或小而圓，故詩與爾雅皆言其實焉。「栝